



**Inuit amerliartuinnartut Nunarput qimassallugu aalajangertarnerannut suut tunngavilersuutaasinnaanerannik innuttaasullu ikiliartuinnarnerat mumisinnissaanut suut iliuserineqarsinnaanerannik Naalakkersuisut UKA2017-mut saqqummiunneqartussamik sukumiisumik nalunaarusiornissaannik Inatsisartunut aalajangiiffissatut siunnersuut.**

(Inatsisartunut ilaasortaq Sara Olsvig, Inuit Ataqtigiit)  
(Siullermeenera)

Demokraatini siunnersuuteqartup Kalaallit Nunaanniit norarnerujussuaq ernummatigimmagu isumaqatigaarput. Minnerpaamik isumaqatigaarput oqarmat malunnartoq Kalaallit Nunaanni pissutsit pissusissamittut ingerlannigitsut. Apeqqutaavorli suna pissutaanersoq pissutaannginnersorluunniit, innuttaasulli amerlassusissaannut eqqarsarneq annertuvallaaqaq nassaarissallugu akissut tassunga suna eqqortuunersoq.

Paarlattuanik qularaarput inuit norarneranut ajornanngitsuaqqamik akissutissaqassasoq. Qularinngilarpulli akissutissap annersaa nalunngeriissagipput. Pissutaapput atuarfiit, pissutaapput meeqqeriviit, pissutaavoq innuttaasut amerlaqisut ilinniagaqannginnerat aamma pissutaavoq amerlaqimmata isumaqartut Kalaallit Nunaanni meeqqatik pitsaasumik inuutissinnaanagit.

Inatsisartuni aaqqiissut neqeroorutigisinnaasarput ajornanngilaq oqaluttuarissallugu, piviusunngortinnissaali imaannanngilaq. Tassaavoq pitsaasumik naalakkersuinissaq. Apeqqutaavoq taaneqartartoq inuiaqatigiinnut isumaqatigiissut. Pineqarput iliussissat arlallit qularnaarumallugu inuiaqatigiit ingerlalluarnissaat aamma paaseqatigiiffiginissaa aalajangiinerit qanoq aalajangerneqartarnersut.

Aamma sualummik uangut Inatsisartut eqqarsaatigaluta apeqqutaavoq piffissaq ungasinnerusoq isigalugu politikkeqarnersugut, inuiaqatigiinnut malugitissinnaallugu ingerlavik eqqortoq ingerlavigigipput sukkassuseq naammaginarloq atorlugu.

Ajornartorsiut annertuvoq ataqtigiinnik assigiinngitsunik pissuteqartoq, taamaattumik isumaqarpugut misissuititsinermi pineqartumi akissutissanik ilisimariinngisatsinnik nassaartoqarnaviannigisoq. Taamaattumik inassutigaarput siunnersuut itigartinneqassasoq.